

ӨМНӨГОВЬ АЙМАГ ДАХЬ ТӨРИЙН АУДИТЫН ГАЗАР



ГҮЙЦЭТГЭЛИЙН АУДИТЫН ХУРААНГУЙ ТАЙЛАН

УЛС, ОРОН НУТГИЙН ТӨСВИЙН 2022 ОНЫ ХӨРӨНГӨ ОРУУЛАЛТЫН
ТӨЛӨВЛӨГӨӨНИЙ ХЭРЭГЖИЛТ, ҮР ДҮН

АУДИТЫН КОД: ӨМА-2023/28-15-ШТА-ГА

ТӨСӨЛ, АРГА ХЭМЖЭЭНИЙ ТӨЛӨВЛӨЛТ ХАНГАЛТГҮЙ БАЙНА

Даланзадгад хот 2023 он

Дарга, Тэргүүлэх аудитор Ц.Өсөхбаяр

Утас: 70533539 Цахим хаяг: Usukhbayarts@audit.gov.mn

Аудитын менежер Т.Хонгорзул

Утас: 70533552 Цахим хаяг: Khongorzult@audit.gov.mn

Ахлах аудитор Г.Шижирболд

Утас: 70533552 Цахим хаяг: Shijirboldg@audit.gov.mn

Аудитор Э.Бат-Эрдэнэ

Утас: 70533552 Цахим хаяг: baterdenee@audit.gov.mn

Энэхүү аудитын тайлантай холбоотой нэмэлт мэдээллийг дараах хаягаар
авна уу: Цахим хаяг: www.audit.mn

Ерөнхий мэдээлэл

Монгол Улсын 2022 оны Төсвийн тухай хуульд Өмнөговь аймагт он дамжин хэрэгжиж буй 11, шинээр 14 нийт 41,599.2 сая төгрөгийн төсөвт өртөг бүхий 25 төсөл арга хэмжээг улсын төсвийн хөрөнгө оруулалтаар 2022 онд 6,241.7 сая төгрөгөөр санхүүжүүлэхээр баталсан байна.

Хүснэгт 1 Батлагдсан төсөл, арга хэмжээ

/сая.төгрөг/

№	Хуулийн дугаар	Төсөл, арга хэмжээний нэр	Төсөл, арга хэмжээний ангилал	Шинэ, шилжих	Эрх шилжсэн эсэх /тийм, үгүй/	Хугацаа		Төсөвт өртөг	2022 онд санхүүжих дүн
						Эхлэх	Дуусах		
1	IV.1.1.1	Мэргэжлийн хяналтын газрын лабораторийн барилга /Өмнөговь, Даланзадгад сум/	Барилга байгууламж	Шилжих	тийм	2018	2022	3,153.5	100.0
2	XII.1.1 17	Нийтийн ахуйн үйлчилгээний төвийн барилга /Өмнөговь, Хүрмэн сум/	Барилга байгууламж	Шинэ	тийм	2022	2022	150.0	150.0
3	XII.1.1 17	Нийтийн ахуйн үйлчилгээний төвийн барилга /Өмнөговь, Цогт-Овоо сум/	Барилга байгууламж	Шинэ	тийм	2022	2022	150.0	150.0
4	XII.1.1 17	Нийтийн ахуйн үйлчилгээний төвийн барилга /Өмнөговь, Гурвантэс сум/	Барилга байгууламж	Шинэ	тийм	2022	2022	150.0	150.0
5	XII.1.1 43	Үер, ус зайлуулах төв магистраль пугам сүлжээ, 5 км /Өмнөговь, Даланзадгад сум/	Барилга байгууламж	Шинэ	үгүй	2022	2023	3,829.6	200.0
6	XII.1.5 8	Төрийн албан хаагчдын орон сууцны барилга, 14 айл /Өмнөговь, Баян-Овоо сум/	Барилга байгууламж	Шилжих	тийм	2021	2022	1,055.6	526.6
7	XII.3.7	Хог хаягдал боловсруулах үйлдвэрийн тоног төхөөрөмж /Өмнөговь, Даланзадгад сум/	Тоног төхөөрөмж	Шинэ	үгүй	2022	2022	200.0	200.0
8	XIII.1. 1.121	Сургуулийн спорт заалны барилга /Өмнөговь, Булган сум/	Барилга байгууламж	Шилжих	тийм	2019	2022	1,598.5	10.5
9	XIII.1. 1.147	Цэцэрлэгийн барилга худалдан авах, 200 ор /Өмнөговь, Цогтцэций сум/	Барилга байгууламж	Шилжих	тийм	2020	2022	1,155.0	700.0
10	XIII.1. 1.259	Дотуур байрны барилга, 120 ор /Өмнөговь, Даланзадгад сум/	Барилга байгууламж	Шинэ	үгүй	2022	2023	2,274.2	349.5
11	XIII.1. 1.51	Сургуулийн барилга, 320 суудал /Өмнөговь, Номгон сум/	Барилга байгууламж	Шилжих	тийм	2018	2022	4,748.0	234.0
12	XIII.1. 3.31	Сургууль, цэцэрлэгийн тоног төхөөрөмж /Өмнөговь/	Тоног төхөөрөмж	Шилжих	үгүй	2022	2022	450.0	90.0
13	XIII.1. 1.52	Сургуулийн барилга, 320 суудал /Өмнөговь, Цогт-Овоо сум/	Барилга байгууламж	Шилжих	тийм	2019	2022	3,500.0	194.1
14	XIV.1. 54	Аймгийн номын сангийн барилга /Өмнөговь, Даланзадгад сум/	Барилга байгууламж	Шинэ	үгүй	2022	2024	4,200.0	105.4
15	XIV.3. 10	Соёлын төвийн тоног төхөөрөмж /Өмнөговь, Мандал-Овоо сум/	Тоног төхөөрөмж	Шинэ	үгүй	2022	2022	40.0	40.0
16	XIV.1. 23	Соёлын төвийн барилга /Өмнөговь, Ноён сум/	Барилга байгууламж	Шилжих	тийм	2012	2022	895.0	105.4

17	XIX.1.29	Эрүүл мэндийн төвийн барилга, 15 ор /Өмнөговь, Сэврэй сум/	Барилга байгууламж	Шилжих	үгүй	2021	2023	3,152.4	600.0
18	XIX.1.59	Сэргэн засах эмнэлгийн барилга, 40 ор /Өмнөговь, Даланзадгад сум, 6 дугаар баг/	Барилга байгууламж	Шинэ	үгүй	2022	2023	4,692.0	140.0
19	XIX.3.8	Алслагдсан сумдын дуудлагын түргэн тусламжийн зориулалтаар тоноглогдсон автомашин /Өмнөговь, Даланзадгад, Гурвантэс, Ханбогд, Ноён, Цогтцэций сум/	Тоног төхөөрөмж	Шинэ	тийм	2022	2022	1,000.0	1,000.0
20	XIX.1.28	Эрүүл мэндийн төвийн барилга, 15 ор /Өмнөговь, Манлай сум/	Барилга байгууламж	Шилжих	үгүй	2020	2022	1,445.4	77.9
21	XVII.3.3	Хөдөө аж ахуйн дундын техник үйлчилгээний төвийн явуулын барилга, тоног төхөөрөмж /Өмнөговь, Булган сум/	Тоног төхөөрөмж	Шилжих	үгүй	2020	2022	1,900.0	650.0
22	XVII.3.12	Малчид болон орон нутгийн хөгжлийг дэмжих "Шинэ хөдөө" төслийн тоног төхөөрөмж /Өмнөговь, Баяндалай, Мандал-Овоо, Ханхонгор, Ханбогд, Номгон, Манлай, Баян-Овоо, Сэврэй, Ноён, Цогтцэций, Булган сум/	Тоног төхөөрөмж	Шинэ	үгүй	2022	2023	1,650.0	258.3
23	X.4.3.3	Хилийн 0131 дугаар ангийн Цагаан-Уулын заставын тоног төхөөрөмж /Өмнөговь, Хүрмэн сум/	Тоног төхөөрөмж	Шинэ	үгүй	2022	2022	10.0	10.0
24	VI.1.1.6	Өмнөговь аймгийн аялал жуулчлалын бүс, байгаль, түүх соёлын өв бүхий Хонгорын голын Дуут манханд отоглох цэг байгуулах	Барилга байгууламж	Шинэ	тийм	2022	2022	100.0	100.0
25	VI.1.1.6	Өмнөговь аймгийн аялал жуулчлалын бүс, байгаль, түүх соёлын өв бүхий газар /Ёлын амын Оюут/-т отоглох цэг байгуулах	Барилга байгууламж	Шинэ	тийм	2022	2022	100.0	100.0
Нийт								41,599.2	6,241.7

Эх сурвалж: Монгол Улсын 2022 оны төсвийн тухай хууль

Тайлант онд улсын төсвийн хөрөнгөөр хийгдэх төсөл хөтөлбөрт олгох санхүүжилтийн 64 хувийг барилга, байгууламж, 36 хувийг тоног төхөөрөмжид зарцуулахаар төлөвлөсөн байна.

БҮЛЭГ 1. ӨМНӨГОВЬ АЙМАГТ УЛСЫН ТӨСВИЙН ХӨРӨНГӨ ОРУУЛАЛТААР ШИНЭЭР ХИЙХ ТӨСӨЛ, АРГА ХЭМЖЭЭНИЙ САНХҮҮЖИЛТ БУУРСААР БАЙНА.

A.1 Улсын төсвийн хөрөнгөөр хийх төсөл, арга хэмжээ нь Монгол Улсын урт болон дунд хугацааны хөгжлийн бодлогын баримт бичгийн үндсэн зорилготой нийцэхгүй байна.

Монгол Улсын Их Хурлын 2020 оны 5 дугаар сарын 13-ны өдрийн 52 дугаар тогтоолоор “Алсын хараа-2050” урт хугацааны хөгжлийн бодлогыг баталсан байна. Хөгжлийн бодлого нь чанартай амьдралын баталгаа бүхий нийгмийн хамгаалалтай, аз жаргалтай амьдралын ээлтэй орчинд, гэр бүлийн амьдралын баталгаа, улс орны хөгжлийн суурь болсон чанартай боловсролыг хүн бүр эзэмших боломжийг бүрдүүлэн нийгмийн идэвхтэй, эрүүл монгол хүнийг хөгжүүлэхэд чиглэгддэг байна

Улсын төсвийн хөрөнгөөр хийх төсөл, арга хэмжээнүүд “Алсын хараа 2050” -ийн зорилттой уялдсан ч зорилтын үндсэн шаардлагатай зарим талаараа нийцэхгүй байна.

Улсын төсвийн хөрөнгө оруулалтаар тухайн онд хэрэгжүүлэхээр шинээр төлөвлөсөн 9 барилга, байгууламж, 5 тоног төхөөрөмж байна.

Өмнөговь аймагт “Монгол Улсын 2021-2025 оны хөрөнгө оруулалтын хөтөлбөр”-т туссан хийхээр төлөвлөсөн томоохон гол ажлууд одоог хүртэл хэрэгжиж эхлээгүй, улсын төсвийн хөрөнгө оруулалтаар хийх төсөл, арга хэмжээнд тусгагдахгүй байна. Тухайлбал:

- Таван толгойн нүүрсний бүлэг ордод технологийн шинэчлэл хийж, олборлолтыг төслийн хүчин чадалд хүргэх, нүүрс баяжуулах үйлдвэрийг ашиглалтад оруулах төсөл,
- Оюутолгой-Цагаан суварга чиглэлийн 220 кВ-ын хоёр хэлхээт цахилгаан дамжуулах агаарын шугам, дэд станц,
- Таван толгойн 450 МВт-ын цахилгаан станц,

A.2 Орон нутгийн хэрэгцээ шаардлага, санал хүсэлтийн дагуу эрэмбэлсэн төсөл, арга хэмжээ нь улсын төсөвт тусгагдаагүй байна.

Төсвийн тухай хуулийн 4 дүгээр зүйлийн 4.1.24-д “Хөрөнгө оруулалт” гэж төсвөөс санхүүжүүлж, тухайн шатны төсөвт хамаарах хуулийн этгээдийн өмчлөлд шилжих хөрөнгийн зарлагыг”, 68 дугаар зүйлийн 68.2-д “Төсвийн төслийг иргэдийн Төлөөлөгчдийн Хурлаар хэлэлцэх явцад нэмж тусгах хөрөнгө оруулалтын төсөл, арга хэмжээг тухайн шатны төсвийг өргөн мэдүүлсэн этгээдээс энэ хуулийн 29 дүгээр зүйлд заасан шаардлагыг хангаж байгаа эсэх талаар санал, дүгнэлтийг авсны үндсэн дээр тусгана.” гэсэн хуулийн заалттай.

Улсын төсвийн хөрөнгө оруулалтаар шинээр хэрэгжихээр эрх шилжсэн 6 төсөл, арга хэмжээнээс барилга байгууламж - 5, тоног төхөөрөмж -1 байна.

Улсын төсөвт тусгуулах хөрөнгө оруулалтын төсөл, арга хэмжээг хэрэгцээ шаардлагын дагуу эрэмбэлсэн жагсаалтыг аймгийн Засаг даргын 2021 оны 7 дугаар сарын 26- ны өдрийн 1-2043 дугаар албан бичгээр Сангийн яаманд хүргүүлсэн байна.

Тус эрэмбэлсэн жагсаалтад орсон “Алслагдсан сумдын дуудлагын түргэн тусламжийн зориулалтаар тоноглогдсон автомашин /Өмнөговь, Даланзадгад, Гурвантэс, Ханбогд, Ноён, Цогтцэций сум/” нэг төсөл, арга хэмжээ батлагдсан байна.

Улсын төсвийн хөрөнгө оруулалтаар хийх бусад төсөл, арга хэмжээний техник, эдийн засгийн үндэслэл, зураг төсөв, газрын зөвшөөрөл, хэрэгцээ шаардлагыг тооцоогүй, эрэмбэлсэн судалгаа байхгүй байна.

БҮЛЭГ 2. ЗАХИАЛАГЧ ГЭРЭЭНИЙ ХЭРЭГЖИЛТИЙГ ХАНГУУЛАХ АЖЛЫН ГҮЙЦЭТГЭЛД ТАВИХ ХЯНАЛТЫГ САЙЖРУУЛАХ ШААРДЛАГАТАЙ БАЙНА.

Б.1 Гүйцэтгэгчийн сонгон шалгаруулах ажиллагааг холбогдох хууль журмын дагуу зохион байгуулсан байна.

Улсын төсвийн хөрөнгө оруулалтаар шинээр хэрэгжихээр эрх шилжсэн нийт 6 төсөл, арга хэмжээний худалдан авах ажиллагааг Орон нутгийн өмчийн газрын Худалдан авах ажиллагааны алба зохион байгуулсан байна.

Сангийн сайдын 2018 оны 281 дүгээр тушаалаар батлагдсан “Төрийн болон орон нутгийн өмчийн хөрөнгөөр бараа, ажил үйлчилгээ худалдан авах ажиллагааг төлөвлөх, тайлагнах журам”-ын 2.13-д заасны дагуу 2022 оны төсвийн тухай хууль 2021 оны 11 дүгээр сарын 12-ны өдөр батлагдсанаас хойших хугацаагаар тооцоход захиалагч хуулиар өөрт олгогдсон эрхийг 2022 оны 01 дүгээр сарын 11–ны өдөр хүртэл буюу 60 хоногийн дотор шилжүүлэхээр байна. Дээрх журмын дагуу захиалагчаас холбогдох албан тушаалтанд эрх шилжүүлсэн хугацааг хянахад Эрүүл мэндийн сайдаас шилжүүлсэн төсөл арга хэмжээ 1, Байгаль орчин, аялал жуулчлалын сайдаас 2 төсөл, арга хэмжээний эрхийг 33 хоногоор тус тус хоцроосон байна.

Б.2 Дуусаагүй 3 барилга, байгууламжтай байгуулсан гэрээ дууссан байна.

Өмнөговь аймагт улсын төсвөөс эрх нь шилжсэн шинэ 6, өмнөх оноос шилжиж ирсэн 7, нийт 13 ТАХ байгаагаас 2022 онд хэрэгжиж дууссан 10, он дамжин гүйцэтгэгдэх 3 төсөл, арга хэмжээ байна.

Хэрэгжиж дууссан 10 төсөл, арга хэмжээний 9 нь барилга байгууламж, 1 нь авто машин байна. Эдгээрээс өмнөх оноос шилжиж ирсэн 6 барилга байгууламж байсан байна.

Улсын төсвийн хөрөнгөөр хийсэн “Цэцэрлэгийн барилга худалдан авах, 200 ор /Өмнөговь, Цогтцэций сум/” 2020 онд эхэлсэн ажил одоог хүртэл үйл ажиллагаагаа эхлээгүй байна.

Б.3 Төсөл, арга хэмжээний санхүүжилтийг бодит гүйцэтгэлд үндэслэн олгосон байна.

Сангийн сайдын 2019 оны 282 дугаар тушаалаар баталсан "Төсвийн хөрөнгө оруулалтаар хэрэгжүүлэх төсөл, арга хэмжээг төлөвлөх, санхүүжүүлэх, хянах, тайлагнах журам"-д зааснаар төсөл, арга хэмжээ бүрээр захиалагчийн хянаж, баталгаажуулсан ажлын гүйцэтгэлийг үндэслэн хөрөнгө оруулалтын санхүүжилтийг олгохоор заасан байдаг.

Шинээр эрх шилжсэн болон он дамжсан төсөл, арга хэмжээний санхүүжилтийг дээрх журмын дагуу захиалагчийн хянаж баталгаажуулсан ажлын гүйцэтгэлийг үндэслэн олгосон байна

Б.4 Төсөл, арга хэмжээний гэрээний хэрэгжилтэд тавих хяналт хангалтгүй байна.

Аймгийн Санхүүгийн хяналт, дотоод аудитын албанаас 2022 оны хөрөнгө оруулалтын төлөвлөлт, хэрэгжилт үр дүнд дотоод хяналт шалгалт хийгээгүй байна

Цаашид Санхүүгийн хяналт, дотоод аудитын алба улс, орон нутгийн төсвийн хөрөнгө оруулалтаар хийсэн төсөл, арга хэмжээг тухайн онд хяналт шалгалтыг зохион байгуулах шаардлагатай байна.

Б.5 Төсөл, арга хэмжээний бүртгэл хөтлөлтийг хууль журмын дагуу сайжруулах шаардлагатай байна.

Улсын төсвийн хөрөнгө оруулалтаар 2022 онд хийж дууссан 3 төсөл, арга хэмжээг Төрийн өмчийн бодлого зохицуулалтын газрын шийдвэргүйгээр орон нутагт ашиглагч байгууллагууд бүртгэсэн байна.

Улсын төсвийн хөрөнгө оруулалтаар хийсэн 2 ажлыг нягтлан бодох бүртгэлд тусгаагүй байна

БҮЛЭГ 3. ОРОН НУТГИЙН ТӨСВИЙН ХӨРӨНГӨ ОРУУЛАЛТААР ХИЙХ ТӨСӨЛ, АРГА ХЭМЖЭЭНИЙ ТӨЛӨВЛӨЛТИЙН ШАТНЫ АЖЛЫГ САЙЖРУУЛАХ ШААРДЛАГАТАЙ БАЙНА.

В.1 Орон нутгийн төсвийн хөрөнгө оруулалтын төлөвлөлтөд аудитын дүгнэлтийг тусгах шаардлагатай байна.

Өмнөговь аймгийн иргэдийн Төлөөлөгчдийн Хурлын 2020 оны 2/3 дугаар тогтоолоор Өмнөговь аймгийг 2021-2025 онд хөгжүүлэх таван жилийн үндсэн чиглэл, 2/4 дугаар тогтоолоор аймгийн Засаг даргын 2020-2024 оны үйл ажиллагааны хөтөлбөрийг тус тус баталсан байна.

1Аймгийн ИТХ-ын 2021 оны 12-р сарын 02-ний өдрийн 4/7 дугаар тогтоолоор орон нутгийн хөрөнгө оруулалтаар 2022 онд хийх 155 төсөл, арга хэмжээнд 98,984.4 сая төгрөг баталсан байна.

Хуулиар төсөвт тодотгол 2022 оны 06 дугаар сарын 10-ны өдрийн 6/1 дугаар тогтоолоор хийж орон нутгийн төсвийн хөрөнгөөр хийх ерөнхий нэрээр 165 төсөл, арга хэмжээ, задалбал 263 төсөл арга хэмжээнд 102,695.3 сая төгрөг баталсан байна.

Аймгийн төсөвт орлого төвлөрүүлдэг зарим сумдын ИТХ орон нутгийн хөрөнгө оруулалтаар 2022 онд хийх нийт 177 төсөл, арга хэмжээнд 19,657.6 сая төгрөг баталсан байна.

Орон нутгийн төсвийн хөрөнгөөр хийгдэх төсөл, арга хэмжээний зардлын шинж чанартай болон зарим барилга, байгууламж бүхий нийт 1,333.6 сая төгрөгийн 9 төсөл, арга хэмжээ дунд хугацааны бодлогын баримт бичигтэй нийцээгүй байна.

Орон нутгийн төсвийн хөрөнгөөр 2022 онд хийх төсөл арга хэмжээг ангилбал дараах байдалтай байна.

Төсөл, арга хэмжээний ангилал

ТЕЗ-ын нэр	Ангилал	2022 оны төлөвлөлт		2022 оны санхүүжилт			Аймгийн дунд хугацааны бодлогын баримт бичигтэй	
		ТАХ-ний тоо	Дундаж хувь	Төсөв (сая төгрөг)	Гүйцэтгэл (Сая төгрөг)	Хувь	Нийцсэн ТАХ-ны тоо	Нийцээгүй ТАХ-ны тоо
Өмнөговь	Барилга байгууламж	109	24.8	83,369.8	72,976.1	87.5	105	4
	Их засвар	80	18.2	14,706.4	10,913.6	74.2	80	0
	Тонг төхөөрөмж	160	36.4	19,145.1	12,979.4	67.8	153	0
	ТЭЗҮ	47	10.7	3,157.0	1,491.6	47.2	46	0
	Бусад	43	9.8	1,974.6	854.5	43.3	46	5
Дүн		439	100	122,352.9	99,215.2	81.1	430	9

Дээрх ангилалд багтахгүй зардлын шинж чанартай 43 төсөл, арга хэмжээд 1,974.6 сая төгрөгийг зарцуулахаар төлөвлөсөн байна.

Аймаг, сумдын ИТХ орон нутгийн төсвийн хөрөнгөөр хийх төсөл, арга хэмжээний Төсвийн тухай хуулийн 33 дугаар зүйлийн 33.2.6-д заасан хүчин чадал, хэрэгжүүлэх хугацаа, төсөвт өртөг, санхүүжилтийн эх үүсвэрийн мэдээллийг дутуу баталсан байна.

Мөн Төсвийн тухай хуулийн 4 дүгээр зүйлийн 4.1.24¹-д заасантай нийцэхгүй орон нутгийн өмчлөлд хамаарахгүй, улсын төсвийн байгууллагуудын урсгал болон хөрөнгө худалдан авахад нийт 42 төсөл, арга хэмжээнд 6,808.5 сая төгрөг, зардлын шинж чанартай 1,771.8 сая төгрөгийн 38 төсөл, арга хэмжээг баталсан байна.

В.2 Орон нутгийн төсвийн хөрөнгө оруулалтын хэрэгжилтэд гарсан зөрчлүүд үр дүнг бууруулж байна.

Өмнөговь аймгийн хэмжээнд 2022 онд хэрэгжүүлэхээр баталсан 122,352.9 сая төгрөгөөр санхүүжүүлэх 439 төсөл, арга хэмжээний худалдан авах ажиллагааг зохион байгуулах эрхийг Орон нутгийн өмчийн газрын худалдан авах ажиллагааны алба, сумдын Засаг дарга нарт олгосон байна.

Орон нутгийн төсвийн хөрөнгөөр 2022 онд хэрэгжихээр баталсан төсөл, арга хэмжээний тендерийг зохион байгуулж гүйцэтгэгчийг шалгаруулахдаа 45,5 хувьд нээлттэй тендер шалгаруулалт, 17,3 хувьд харьцуулалтын арга, 6 хувьд ЗҮГСШЖ, 31,2 хувьд шууд гэрээ байгуулах аргыг ашигласан байна.

Тайлант онд орон нутгийн төсвөөс 376 төсөл арга хэмжээнд 134,041.2 сая төгрөгийн гэрээ байгуулж 2022 онд 99,215.2 сая төгрөг буюу 74 хувийг гүйцэтгэгч компаниудад олгосон байна.

ХАА-г цахим хэлбэрээр явуулдаг болсноор ТБОНӨХБАҮХАТ хуулийн 49 дүгээр зүйлийн 49.2-т заасан хавтаст хэргийн бүрдэл хангахгүй архивын нэгжийг дутуу бүрдүүлсэн зөрчил байна.

Орон нутгийн төсвийн хөрөнгө оруулалтаар хэрэгжүүлсэн 17 төсөл, арга хэмжээний гүйцэтгэл, ашиглалын байдалд зураг төслийн шатанд төлөвлөлт зохион байгуулалт буруу хийгдсэн, улсын комиссын өгсөн үүрэг даалгавар биелэгдээгүй, нийлүүлэгдсэн тоног төхөөрөмж нь техникийн даалгавартай зөрүүтэй, ашиглалтын шаардлага хангахгүй, ашиглахгүй хураалттай байх, ашиглалтад аваагүй барилга байгууламжийг ашигласан, угсралтын гүйцэтгэл дутуу барилгад санхүүжилтийг өгсөн, гүйцэтгэсэн барилга байгууламж нь ажлын даалгавар зураг төслөөс зөрүүтэй гүйцэтгэгдсэн зэрэг зөрчил гарч байгаа нь хөрөнгө оруулалтын үр дүнд нөлөөлж байна.

Орон нутгийн төсвийн хөрөнгө оруулалтаар хэрэгжиж байгаа төсөл арга хэмжээнд захиалагчийн хяналтыг ГХБХБГ, Хөгжил, хөрөнгө оруулалтын газар, сумдын ЗДТГ-ууд хэрэгжүүлж байна.

¹ "төсвийн хөрөнгө оруулалт" гэж улсын болон орон нутгийн төсвөөс санхүүжүүлж, тухайн шатны төсөвт хамаарах хуулийн этгээдийн өмчлөлд шилжих хөрөнгийн зарлагыг

Аймгийн төсвийн ерөнхийлөн захирагчийн дотоод хяналт болох Санхүүгийн хяналт, аудитын алба нь 2016-2021 онуудад орон нутгийн төсвийн хөрөнгө оруулалтын хэрэгжилт, гүйцэтгэлийн байдалд хяналт шалгалт хийж, үнэлэлт дүгнэлт, зөвлөмж өгөөгүй байна.

Орон нутгийн төсвийн хөрөнгөөр хийх ажлын тоо, санхүүжилт жил бүр өсөж байгаа тул захиалагчийн хяналтыг сайжруулж мэргэжилтнүүдийн чадварт, хүний нөөцөд анхаарах шаардлагатай байна.

Хөгжимт жүжгийн театрын барилгын ажлыг 2022 оны аудитаар хурлын заал, дууш, ариун цэврийн өрөөний ажил дуусаагүй, шатны хашлага хийгээгүй, тайзны дээрээс болон шилэн дээвэр, цонхоор цасны ус нэвтэрч гоожсон, галын крант ажиллахгүй, аваарын дизель генераторын холболт, хашаа хийгээгүй, үзвэрийн заалны тааз эвдэрсэн зэрэг нийт 65 зөрчилд аймгийн Засаг даргад зөрчил арилгуулах албан шаардлага хүргүүлсэн

Аудитын мөрөөр хяналт хийхэд Хөгжимт жүжгийн театрын барилгын ажлын зөрчил арилаагүй байгаа тул мэргэжлийн шинжээч ажиллуулахаар төлөвлөн ажиллаж байна.

Аудитын явцад Цогт-Овоо сумын төвийн дэд бүтцийг шийдвэрлэж байгуулах шугам сүлжээний угсралтын 102.0 сая төгрөгийн хөрөнгө, Даланзадгад сумын 4 дүгээр багийн өрхийн эмнэлгийн 1,273.7 сая төгрөгийн барилгыг үндсэн хөрөнгөд бүртгээгүй зөрчлийг арилгуулан ажиллаа.

Орон нутгийн төсвийн хөрөнгөөр эрүүл мэндийн салбарыг дэмжиж анхны бие даасан өрхийн эмнэлгийн барилгыг 1,273.8 сая төгрөгөөр барьж ашиглалтад хүлээн авсан байна. Бие даасан барилгатай болсноор эмч, ажилчдын ажиллах нөхцөл сайжирсан, үйлчлүүлэгчдийг тохилог орчинд хүлээн авч эмчилгээ, оношилгоо хийх болсон сайн төсөл, арга хэмжээ болсон байна.

ДҮГНЭЛТ Аудитын явцад цуглуулсан нотлох зүйл, аудитын дүнд үндэслэн дараах дүгнэлтийг хийж байна. Үүнд:

1. ӨМНӨГОВЬ АЙМАГТ УЛСЫН ТӨСВИЙН ХӨРӨНГӨ ОРУУЛАЛТААР ШИНЭЭР ХИЙХ ТӨСӨЛ, АРГА ХЭМЖЭЭ БУУРСААР БАЙНА
2. Улсын төсвийн хөрөнгөөр хийх төсөл, арга хэмжээ нь Монгол Улсын урт болон дунд хугацааны хөгжлийн бодлогын баримт бичгийн үндсэн зорилготой нийцэхгүй байна
3. Орон нутгийн хэрэгцээ шаардлага, санал хүсэлтийн дагуу эрэмбэлсэн төсөл, арга хэмжээ нь улсын төсөвт тусгагдаагүй байна
4. ЗАХИАЛАГЧ ГЭРЭЭНИЙ ХЭРЭГЖИЛТИЙГ ХАНГУУЛАХ АЖЛЫН ХЯНАЛТЫГ САЙЖРУУЛАХ ШААРДЛАГАТАЙ БАЙНА
5. Гүйцэтгэгчийн сонгон шалгаруулах ажиллагааг холбогдох хууль журмын дагуу зохион байгуулсан байна
6. Дуусаагүй 3 барилга, байгууламжтай байгуулсан гэрээ дууссан байна
7. Төсөл, арга хэмжээний санхүүжилтийг бодит гүйцэтгэлд үндэслэн, хугацаанд нь олгосон байна.
8. Төсөл, арга хэмжээний гэрээний хэрэгжилтэд тавих хяналт хангалтгүй хэрэгжүүлсэн байна
9. Төсөл, арга хэмжээний бүртгэл хөтлөлтийг хууль журмын дагуу сайжруулах шаардлагатай байна
10. ОРОН НУТГИЙН ТӨСВИЙН ХӨРӨНГӨ ОРУУЛАЛТААР ХИЙХ ТӨСӨЛ, АРГА ХЭМЖЭЭНИЙ ТӨЛӨВЛӨЛТИЙН ШАТНЫ АЖЛЫГ САЙЖРУУЛАХ ШААРДЛАГАТАЙ БАЙНА
11. Орон нутгийн төсвийн хөрөнгө оруулалтын төлөвлөлтөд төсвийн төсөлд өгсөн аудитын дүгнэлтийг тусгах шаардлагатай байна
12. Орон нутгийн төсвийн хөрөнгө оруулалтын хэрэгжилтэд гарсан зөрчлүүд үр дүнг бууруулж байна

ЗӨВЛӨМЖ Аудитын дүн, дүгнэлтэд үндэслэн дараах зөвлөмжийг хүргүүлж байна.

Аймаг, Сумдын ИТХ-д

1. Орон нутгийн төсвийн хөрөнгөөр хийх төсөл, арга хэмжээг батлахдаа Төсвийн тухай хуулийн 33 дугаар зүйлийн 33.2.6-д заасан мэдээллийг бүрэн тусгах.

Аймгийн Засаг даргад:

1. Орон нутгийн төсвийн хөрөнгөөр хийх төсөл, арга хэмжээний зураг, төсөв боловсруулахдаа ашиглагч байгууллагуудын саналын авч тусгаж байх.
2. Төсөл, арга хэмжээг ашиглалтад оруулах улсын комиссын бүрэлдэхүүнд ажиллаж байгаа төрийн албан хаагчдыг хариуцлагатай ажиллах талаар чиглэл өгч, хяналт тавьж байх,
3. Үнэлгээний хороонд ажиллах иргэний төлөөллийг сонгохдоо ажил эрхлэлтийн байдал болон бусад нөхцөлийг харгалзан үзэх, нэг иргэний төлөөллийг олон ажилд томилохгүй байх.